

Hää' noorõ' kõgõlt Vanalt-Võromaalt!

IV võrokeeline laulu- ja rahvapido Uma Pido tulõ timahava 28. mail Põlvan Indsikurmun.

Et pidopääväl kõik laapsalõ läässi, om vajja inne pito ja pidopääväl tetä huugsat tüüd ja kõrraldajit avita. Appi olõs vajja päid, kiä üten mõtõlnu, kibõhid näppe ja varbit, pikkä miilt, rõõmsat ja häätujolist väke. Ku Sullõ tundus, et iinpuul üles loet lätt kokko su mõttõilmaga, pakk huvvi ja Sa tahat priitahtliguna üten lüvvä, sis anna' hindäst teedä'!

Pido kõrraldajidõ puult om asjalik juhõndamine ja võimalus olla üts osa miiskunnast, kõrralda ja üten märki. Ku tujo om hää, või seo ütenlüümine miilde jää' kõgõs elos. A kotussit olõ-i lõpolda, nii et Kõrraldajidõ toimkunda saava õnnõ kõgõ tublimba ja kipõmba. Tsipa või api olla ka tuust, ku mõistat võro vai seto kiilt ☺ Kõgõ hõlpsamb om umast soovist teedä anda priitahtligõ tüü juhilõ Annika Ladvale (kontakti': annika.ladva@gmail.com, tel. 51 72 799) **inne 16. maid**. Pallõ teedä' anda uma nimi, telefoon ja meiliaadress.

Tüü', midä om vajja tetä kas joba inne vai õkva pidopääväl. Võimalik, et mõni tüü satas är vai sünnüs hoobis mano, a märgitu om säändsides asju pääle:

*** Ettevalmistustüü' varrampa:**

- "Värska" viipudõlide pääle silte kliipmine
- Ritsikpillele pailu kõütmine
- Söögitalonge lõikminõ
- Koorikotte kokkosäädmine (Võro Instituudi kontorin)

*** Pidopääväl:**

- Tüü staabitelgin – teedüsse, koorikottõ kätteandminõ, T-hamidõ müük ja tellit hammidõ kättejagaminõ, kavavihikõ jagaminõ, lipukõisi müük jne
- Miiskunna turgutus – kohvi ja vii jagaminõ, tarvidusõl söõgi tuuminõ
- Hääkõrra hoitminõ – prügü korjaminõ
- Asju hoitmisõ telk – kõrra hoitminõ
- Talongimiiskunna' – talonge vasta süvvä' andmisõ man talongõ kontroll
- Abi sissepääsemise väärtide man - piletidõ kontroll, käepailu kassi pääle pandminõ, kavavihikõ jagaminõ, kutsutuisi küläliisiga tegelemine.
- Lipukõisi müük rahva sean
- Abi laadul – hääkõrd, laadulava, tüütardõ'

Ku pido ligembäle jõud, saami ka silmäst silmä kokko. Seenis and vajaminevät teedüst priitahtligõ juht Annika Ladval.

Loodami, et lüüti kampa! Kokkosaamisõni!

3. mail 2016

Triinu Laan
Uma Pido kõrraldajidõ puult